



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

11 JUN 2022 (SABTU)



KERATAN AKHBAR DAN MEDIA ONLINE (KPDNHEP)

11 JUN 2022 (SABTU)

KPDNHEP serbu premis hasil maklumat pemilik

Kasut tiruan bernilai RM87,979 dirampas

Oleh ASLIZA MUSA

IPOH - Sebanyak 1,245 kasut tiruan jenama terkenal bernilai RM87,979 dirampas Kementerian Perdagangan Dalam Negeri dan Hal Ehwal Pengguna (KPDNHEP) Perak dalam serbuan ke atas sebuah premis di Jalan Sultan Abdul Jalil di sini semalam.

Serbuan kira-kira pukul 10.30 pagi ke atas premis di sebuah pusat beli-belah terkenal itu dijalankan hasil maklumat wakil pemilik cap dagang berkaitan penjualan kasut wanita serta kanak-kanak jenama terkenal.

Pengarahnya, Saifullizan Kamarul Zaman berkata, ketika serbuan, seorang lelaki yang juga pemilik premis berusia 51 tahun dan seorang pekerja wanita berusia 38 tahun berada di tempat kejadian.

"Pemeriksaan dijalankan bersama pemilik perniagaan dan pengadu yang mana kita menemui terdapat sejumlah kasut wanita dan kanak-kanak perempuan pelbagai corak, saiz dan warna berjenama terkenal yang disyaki menggunakan cap dagangan berdaftar.

"Pengecaman awal pengadu mengesahkan bahawa kesemua produk tersebut adalah tiruan berdasarkan ciri-ciri yang ada pada barangan terbabit," katanya semalam.

Menurut beliau, hasil pemeriksaan itu, pihaknya merampas 1,245 pasang kasut, 800 unit plastik beg menggunakan la-



PENGUAT KUASA KPDNHEP menjalankan pemeriksaan di sebuah premis di Jalan Sultan Abdul Jalil, Ipoh semalam.

bel jenama terkenal dan 800 unit pelekat jenama terkenal bersama beberapa dokumen perniagaan.

Katanya, nilai rampasan keseluruhan dianggarkan berjumlah RM87,979 dan KPDNHEP turut menahan pekerja dan pemilik premis bagi membantu siasatan.

Tambah Saifullizan, kes ber-

kenaan disiasat di bawah Seksyen 102(1)(c) Akta Cap Dagangan 2019 iaitu mana-mana orang yang mempunyai dalam milikan, jagaan atau kawalannya bagi maksud perdagangan atau pengilangan apa-apa barang suatu cap dagangan berdaftar dipakaikan dengan salah.

Pengguna perlu pandai pilih kedai makan – KPDNHEP

MELAKA – Pengguna dinasihatkan untuk membuat pilihan bijak termasuk tidak mengunjungi kedai makan yang diketahui mempunyai masalah dari segi layanan mahupun juadah.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Melaka, Norena Jaafar berkata, pihaknya sedia maklum mengenai video tular membabitkan sebuah restoran di negeri ini dan kesal dengan insiden berkenaan.

"KPDNHEP memang tidak dapat mengambil tindakan terhadap peniaga yang tular ini kerana ia membabitkan sikap individu dalam melayani pelanggan."

"Sebaiknya, pengguna buatlah pemilihan yang betul, banyak pilihan kedai makan yang menawarkan juadah yang sedap di Melaka ini," katanya ketika dihubungi di sini semalam.

Mengulas lanjut, Norena berkata, setakat ini pihaknya tidak menerima sebarang aduan melibatkan kesalahan lain



KPDNHEP memang tidak dapat ambil tindakan terhadap peniaga yang tular ini kerana ia membabitkan sikap individu dalam melayani pelanggan."

dilakukan premis terbabit.

"Kita pernah membuat pemantauan harga di kedai berkenaan dan kadar harga yang ditetapkan adalah berpatutan dan tidak membebankan pengguna."

"Jika berlaku kesalahan di bawah akta KPDNHEP, kita akan terus ambil tindakan," tegasnya.

Terdahulu satu video dimuat naik pengguna Facebook sehingga tular yang menyaksikan seorang peniaga meninggikan suara dan bercakap kasar kepada pelanggan.

Senarai Harga Barang Keperluan	
• Ayam	RM10.50
• Daging Lembu Tempatan	RM42.99
• Daging Lembu Import	RM28
• Telur Gred A	RM12.60
• Ikan Kembung	RM14.80
• Minyak Masak	RM6.50
• Gula Pasir	RM2.85
• Bawang Besar Holland	RM2.50
• Bawang Putih	RM5.50
• Cili Merah	RM10.99
• Kubis Bulat Tempatan	RM5
• Tepung Gandum	RM2.60

*Harga (RM/kg) Sumber: KPDNHEP